


[www.BibleForChildren.org](http://www.BibleForChildren.org)

# Mataio 26



Wapu  
'abaihau  
wairai temiaho  
Kabanai tatuna  
kerama hanona Iesu  
eao Betani Lasaro  
nemiaho aiarana, hau weiana  
'ariai ebamikirina hauna. Ba  
Maria ehore tehoru  
kawapu hamona arana  
rarina 'akinai pahakawana  
hauna ea'ina Iesu aena eheinakia  
ba buinai Iesu aena eutu  
'ororonakia. Tehoro timana 'orimona  
weiana itu aona maikoinai ebabonu 'auna.



Iuda Isakariote hauna harau haea rua haukia 'abakia  
ha eao Robe haukia apa' uakia herekia Iesu  
hinahinana kehinahina. Robe haukia  
apa' uakia Iuda herenai 'uru  
weiana teona hanona aokia  
enamo ki'a, te'abi' uai moni  
katebena, ua buonai Iuda  
taeara etabu, taeara  
namona tabanai  
hanona Iesu robe  
haukia  
apa' uakia  
imakiai  
keutana  
katea'ina.




Ua buonai i'abana haukia Iesu  
ehinabenakia akana ihobonai  
tebabaina, Kabanai tatuna anianina  
tea'ia'i haraina. Ia tianiani aonai  
Iesu parawa ea'ina ebanamona ba  
ehobina, i'abana haukia ebenakia  
e'abi etibaha, "Tomoa'ina tomoana,  
neiana hanona au hau'u."



Ba 'ere ha ea'ina ebanamona ba  
etiu benakia e'abi etibaha,  
"Ikoimiai neiana tomoinu. Neiana  
hanona au aruaru'u, 'abi 'uai  
aruaruna mako paukiai kekiki  
oi ki'a ihina haona."



"Simona e, Simona e, Satani aba enoinoi ikoimiai kebarobonimi kehobonimi ihobona witi 'abana. Iamo Simona au aba ahamuai abahuba'ari emu a'ikakauma a'i me'eho, ba oi koraona kabe raninai uaho 'abamu abokiamo koba taburanakia." Petero ehore Iesu ehina bena etibaha, "Obiapaka e, au aba aba'oru oi ka'abani'o kahaeao kahawapura 'ao kaha'ari."



Iesu ena 'abi ebamuena etibaha, "Petero e, au oi nahina beni'o, bariu rabi neianai kokoro'u a'i ke'arara baha aonai, oi rani aihau au kobuniaina'u, au a'i o'io**u** na kohoma."



Iesu i'abana haukia kipokia  
teao 'eka atana  
Getesemane, ba ehina  
benakia etibaha, "Au  
kaeao weia kabahuba'ari  
aonai wai hanona neia  
katomiati." Ia ebahuba'ari  
etibaha, "Hama'u e,  
Hama'u e, taba ikoikiai  
heremuai hanona tetai. 'Ere  
neiana here'uai poa'i obona.  
'A au e'u nuatae aha'i, ia oi  
emu nuataeai mo."



Weiana Iuda ehore robe haukia apa'uakia mai  
Parisea haukia ekia miori weiakia marea robe teiha  
'inina haukia mai huari haukia to'ukiai  
ebaka'anakia, imakia mai irubakia mai  
ramepakia abomo huari tabakia  
tea'i haharua weiana aonai  
tekatoto. Ba 'abakia ha robe  
haukia 'arakiai hauna ena  
ta'ara a'i hauna haiana  
itipana ehara obona. 'A Iesu  
e'abi etibaha, "Naiana  
mepua." Ba ia ehore hau  
weiana haiana ea'i 'apuana  
ebanamona.



Ia tehore Iesu tea'ina tebaka'ana teaoaina robe  
haukia 'arakiai hauna ena ituai, 'a Petero hanona  
murikiai eao ia mo mai baiatakia. Baika tehore  
ara aona ibuanai iruba  
teba'arana ba temia  
kakaiarona, Petero  
abomo weia baiatakia  
emiati.



Robe haukia arakiai  
hauna ena ta'ara'i  
hauna haiana Petero  
ehara obona hauna  
hatia'ana ha ehore  
Petero ebakaina etibaha,  
"Weia haharua aonai oi  
Iesu kipokia aihanimi, u?"  
Petero haeamona ebuniai  
mue aonai, kokoro'u beronai  
e'arara. Weiana Petero ekarahi  
eao atapakai ehai ki'a.



Weiana bakai apa' uana haukia  
maikoina temikiri Iesu teaoaina  
Pilato herena. Ba Pilato ehore Iesu  
ebakaina etibaha, "Oi hanona Iuda  
haukia ekia obia arana, u?"




Ia ena 'abi ebamuena etibaha,  
"Abimo naiana aba nohinana." Pilato  
ena nuatae hanona Iesu  
.pebakarahina paunai to'u haukia  
ehinabe muenakia. 'A  
to'u haukia teio hao io  
hao tetibaha, "Matiu  
ibiri ropo 'ubina me'ari!  
Matiu ibiri ropo 'ubina

me'ari!"




Weiana Pilato ehore Iesu huari  
haukia imakiai eutana matiu  
ibiri ropo 'ubina'i kateahu  
'arina. Ba huari haukia Iesu  
tebaka'ana teaoaina. Kipona  
ena matiu ibiri ropo ebuana  
teao 'eka ha atana "Ara  
'ou'ouna', Heberu maeakiai  
hanona 'Golgota'.



Weia Iesu matiu ibiri ropo 'ubinai  
tekoko 'auna, hau rua abomo tekoko  
'aunakia ha abirai ha abirai, Iesu  
hanona ibuakiai.



Abomo marea robe aona i'aea hurina habunina etapa  
boana rua. Iesu eapari aota, "Hama'u e, auba'u  
imamuai nautana." Ua e'abi aiho murinai e'ari.



Iosepa Arimatea hauna aona  
ebanua ko'ona eao Pilato  
wairanai Iesu hauanina  
enoiaina. Ia hanona Iuda  
ekia obia hauna ha  
maearima abomo  
timariki aina,  
Tirama ena obia  
aiarana kemai

ne'imana  
hauna ha.



Iosepa ehore habuni namona  
tohana ha ekawana, Iesu  
hauanina ea'i obona habuni  
weianai e'apana eaoaina  
'ariahana pihara ikui  
aonai ehorotina,  
pihara rarina ha  
ebaherena ebahu  
abuna.



Erani raurani beraura robenai robe  
haukia apa' uakia mai Parisea  
haukia teao Pilato  
herena, te'abi tetibaha,  
"Hau apa' uana e, ai . . ."



“... bai'oi hauna weiana  
maurina emiaho aonai ena 'abi  
ehinana hauna taraona  
'inina etibaha, 'Wapu  
ibaihaunai kamikiri  
mue.”



“Ua buonai teao 'ariahana  
ikaiabuna piharana tekaiabu  
haraina ahanai rauhubu  
mani'ana tehorotina,  
ba 'ima'ima  
haukia weia tehabona  
kateiha 'inina.”



Beraura robe eore murinai hui  
beraurana kori' uaina raurani  
amarinai, Maria Magadala  
babi'ena mai Maria ha ohi  
teao 'ariahana  
kateihana. Rani  
weianai kanokau  
rarina 'akina eka'a  
aonai Obiapaka  
ena

aneru ha kupai  
eriri emai  
'ariahana pa'abina  
piharana  
ebahere parena  
ahanai emia'au.



'Ariahana te'imana haukia aneru  
teihana raninai teta'u ki'a  
te'ururu aokia terea te'eho  
matoha te'ari.




Ia aneru hanona babi'e ehina  
benakia etibaha, "A'i tomota'u,  
au a'iohina wai Iesu matiu  
ibiri ropo ubinai tekoko  
'auna hauna tutabuna.

Ia hanona neia aha'i."

Ia hanona aba  
emikiri 'uainai  
ehinabenimi  
ihobona.

Tomai enoti 'ekana  
tomoihana.



Ia hanona aba emikiri 'uainai  
ehinabenimi ihobona. Tomai  
enoti 'ekana tomoihana.




Ua buonai babi'e 'ariahanai tekarahi  
noanoa mai ta'ukia mai aonamokia  
tebeau i'abana haukia herekia  
katehina benakia. Tae arai tiao  
aonai Iesu kipokia tebaitabu  
ahi.



Ehinabenakia etibaha, "Raurani  
namona!" Ba teao herena te'umuti  
aena tea'i to'o tekutiaina.





Weiana murinai haukia harau haea hamomo tianiani  
aonai, Iesu ewaira tina herekiai. Ekia a'ikakauma  
aha'i haeamona ekia ao pahihi paunai ebatanakia.

Pokina emikiri murinai teihana haukia aiakia a'i  
tebatohana. Obiapaka Iesu ia ehina benakia murinai,  
ekara'au eao kupa, Tirama itipana tainai emiati.



Pokina Tirama hanopaka  
eraona'auai ki'a bahana paunai  
Nahuna hamohamona mo ebaibeni,  
tia'ikakaumana haukia ikoikia  
hanona a'i kate'ari, ia mauri  
banaibanai katea'ina.



Roma 3:23 Pokina ikoikiaia aba teaka ki'a, buonai Tirama ena nuabiai tetara kapu.

Roma 6:23 Pokina ki'a 'arana hanona 'ari, ia Tirama ena beruberu apa'uana hanona mauri banaibanai Keriso Iesu aika eka Obiapaka kipokia.

Heberu 9:27 Maearima ha ha hanona rani hamonai kate'ari, murinai Tirama kebabakainakia.

Epeso 2:8,9 Pokina Tirama ena aoko'o hoana paunai wai Keriso toa'ikakaumana hanona eba maurinimi. Neiana hanona wai kipomi emi taburai aha'i, ia Tirama ena beruberu. Aka harai paunai aha'i, ua buonai tai ha kipona a'i keapa.



Roma 10:9,10 Pou hanona nahomana, oi pinamuai kohina pouna 'Iesu hanona Obiapaka,' abomo Tirama hanona ia 'ariai ebamikirina hauna aomuai koa'ikakauma raninai oi hanona komauri. Pokina aomuai oa'ikakauma hanona aba obero Tirama wairanai, abomo pinamuai kohina pouna hanona komauri.

Ioane 3:16,17 "Pokina Tirama hanopaka eraona'auai ki'a bahana paunai Nahuna hamohamona mo ebaibeni, tia'ikakaumana haukia ikoikiai hanona a'i kate'ari, ia mauri banaibanai katea'ina. Tirama nahuna euhuna hanopakai hanona puma kebaibeni paunai aha'i, ia paunai hanopaka 'arana kebamaurina."



1 Ioane 5:11-13 Tirama ebatohana 'abina hanona neiana:  
Tirama hanona mauri banaibanai ebenaka, ba mauri  
neiana hanona Nahuna Iesu Keriso aonai nemiaho.  
Tirama Nahuna ea'ina hauna hanona mauri aba ea'ina, 'a  
Tirama Nahuna a'i ea'ina hauna hanona mauri a'i ea'ina.  
Tirama Nahuna atana tua'ikakaumana haumi marere  
neiana narere benimi, pokina wai kato' iobina mauri  
banaibanai hanona aba toa'ina.



Mataio 26-28; Luka 22-24; Ioane 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Waima NT (rro) © 2002, Wycliffe Bible Translators,  
Inc. All rights reserved.

<https://live.bible.is/bible/RROPNG/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

